



Broj: 01-02.1-3978-8/26 EN

Datum: 17.9.2026.godine

Na osnovu člana 69. stav (2) tačka e), člana 70. i člana 72. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24), Pravilnika o javnim nabavkama JP Ceste Federacije BiH d.o.o. Sarajevo, a u skladu sa preporukom Komisije za nabavke, Uprava donosi

**ODLUKU
o poništenju postupka javne nabavke**

I

Poništava se postupak javne nabavke usluga „Izrada projekta izmještanja i zaštite postojeće distributivne EE mreže za rekonstrukciju ceste M17.3, dionica Drenovac-Stolac, podionica II Poplat-ulaz u Stolac (prema PEES JP Elektroprivreda HZ HB)“, pokrenut Obavještenjem o nabavci objavljenim na Portalu javnih nabavki dana 02.06.2026. godine.

II

Postupak javne nabavke iz tačke I ove odluke poništava se jer izabrani ponuđač Građevinski institut d.o.o. Banja Luka nije pristupio potpisivanju ugovora u roku koji mu je odredio ugovorni organ, a u predmetnom postupku nije rangiran nijedan drugi ponuđač kojem bi, u skladu sa članom 72. stav (3) Zakona o javnim nabavkama, mogao biti dostavljen prijedlog ugovora.

III

Ova odluka će se objaviti na web stranici JP Ceste Federacije BiH d.o.o. Sarajevo, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke predmetnih usluga proveden je otvoreni postupak javne nabavke, pokrenut Obavještenjem o nabavci objavljenim na Portalu javnih nabavki dana 02.06.2026. godine.

Do isteka roka za dostavljanje ponuda zaprimljena je jedna ponuda, i to:

- | | |
|---|------------------------|
| 1. Građevinski institut d.o.o. Banja Luka | 7.900,00 KM bez PDV-a |
| | 9.243,00 KM sa PDV-om. |

Komisija za nabavke je izvršila pregled i ocjenu dostavljene ponude sa aspekta kompletnosti i kvalificiranosti te utvrdila da je ponuda kompletna, da ponuđač ispunjava kvalifikacione kriterije propisane tenderskom dokumentacijom, kao i da je ponudena cijena u okviru obezbijedenih sredstava za predmetnu nabavku. Izvršena je i računska kontrola ponudene cijene, kojom je utvrđeno da je ponuda računski ispravna.

Na osnovu provedene evaluacije, Komisija za nabavke je dala preporuku Upravi da se ugovor za predmetnu nabavku dodijeli ponuđaču Građevinski institut d.o.o. Banja Luka, nakon čega je donesena Odluka o izboru najpovoljnijeg ponuđača.

Nakon isteka zakonskog roka za zaključivanje ugovora, ugovorni organ je izabranom ponuđaču dostavio dopis broj 01-02.1-8114/26-AK od 18.08.2026. godine, kojim je pozvan da u roku od 7 (sedam) dana od dana prijema dopisa pristupi potpisivanju ugovora. U navedenom dopisu ponuđač je upozoren da će se, ukoliko ne pristupi potpisivanju ugovora u ostavljenom roku, smatrati da je odustao od potpisivanja ugovora.

Izabrani ponuđač je navedeni dopis zaprimio dana 24.08.2026. godine. U ostavljenom roku izabrani ponuđač nije pristupio potpisivanju ugovora, niti je ugovor zaključen.

Članom 72. stav (3) Zakona o javnim nabavkama propisano je da ugovorni organ dostavlja prijedlog ugovora ponuđaču čija je ponuda, prema rang-listi, odmah nakon ponude najuspješnijeg ponuđača, u slučaju da najuspješniji ponuđač, između ostalog, propusti da potpiše ugovor o nabavci u roku koji mu je odredio ugovorni organ (član 72. stav (3) tačka e) Zakona).

U konkretnom slučaju, u postupku je zaprimljena samo jedna ponuda, odnosno ponuda ponuđača Građevinski institut d.o.o. Banja Luka. S obzirom na činjenicu da navedeni ponuđač nije pristupio potpisivanju ugovora u ostavljenom roku, a da u predmetnom postupku ne postoji drugi rangirani ponuđač kojem bi, u smislu člana 72. stav (3) Zakona o javnim nabavkama, mogao biti dostavljen prijedlog ugovora, nije moguće nastaviti postupak dodjele ugovora na način propisan navedenom odredbom.

Shodno članu 69. stav (1) Zakona o javnim nabavkama, postupak javne nabavke može se okončati zaključenjem ugovora o javnoj nabavci ili okvirnog sporazuma ili poništenjem postupka javne nabavke. Kako u konkretnom slučaju nisu ostvareni uslovi za okončanje postupka zaključenjem ugovora, ugovorni organ, cijeneći sve navedene činjenice i okolnosti, donosi odluku o poništenju postupka javne nabavke.

Cijeneći navedeno, Uprava je odlučila kao u dispozitivu ove Odluke.

Pravna pouka:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa, u roku od 10 (deset) dana od dana prijema Odluke, u skladu sa Zakonom o javnim nabavkama.

Žalba se izjavljuje u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Ljubo Pravdić, dipl.ing.građ.

Dostaviti:

- Ponuđaču (sa dostavnicom)